

本流行靈津宣潤百病蠲蕩六府和平祿祚
增豐年算延永舉家幸福內外沾榮上願社
稷安寧

帝王萬壽風雨調順歲稔時康有識含生並
登壽域上明

天尊大慈之澤下副_臣等祈懺之誠謹啓以
聞

發念

一念為道四大合德齋主七世父母免脫憂
苦上升天堂衣食自然

二念帝王國主道化興隆庠序濟濟呈教恢
弘威儀翼翼普天所瞻民稱太平四夷賓

伏妖惡自滅賢人日生

三念法師功德大建教化明達俱獲飛仙

四念同志學人早得仙道更相開度

五念九親和睦好尚仁義貴道賤財行為物
範

六念損己布施道士及饑寒者天下人民各
得其所

七念蠕動跂行一切衆生成蒙成就

八念救賞前生今世罪對立功補過

九念家國隆盛宗廟有人世生賢才

十念尊受師經不敢中怠平等一心廣度一
切剋獲上仙白日登天拜見太上永成真
人雲車羽駕和與道合真

復爐

復爐

香官使者左右龍虎君侍香楮靈官當今_臣

行香之所自然生金液丹碧芝英百靈衆真

交會在此香火爐前令_臣學道得道求仙得

仙齋主受福幽顯沾恩十方仙童玉女侍衛

蘭煙傳_臣向來所啓之言速達徑御

太上無極大道無形無名虛無自然金闕玉
陛下

出戶

太上黃籙齋儀卷之二十九

太上黃籙齋儀卷之三十

唐廣成先生杜光庭 剛

懺穢疾病中分行道

入戶

各禮師存念如法

衛靈

謠歌空洞 帝君守壇 五帝校錄

受符三官 備衛四門 東魔去姦

流鈴擲火 除穢焚殘 身佩金書

鍊液芝顏 玄虛素合 心動三關

騎獅跨鶴 控虵乘鸞 衆星守舍

千魔不干 道炁長存 萬仙委安

鳴法鼓二十四通

無上三天玄元始三炁太上道君召出_臣身

中三五功曹左右官使者侍香金童傳言玉

女五帝直符直日香官各三十二人出出者

嚴裝開啓玄壇天帝神君當召此間土地里

域真官正神_臣今奉為入意以今願得玉清

道炁靈寶妙光下降流入_臣等身中即使玄

壇清淨內外成具天無氛穢地絕妖塵琳琅

振響十方肅清萬魔不干真誠上徹令_臣所
啓之言速達徑御
太上無極大道無形無名虛無自然金闕玉
陛下

各稱法位

具位_臣某等謹同誠上啓
虛無自然元始天尊無極大道太上玉晨大
道君太上老君昊天玉皇上帝十方已得道
大聖眾至真諸君丈人三十六天帝君玉虛
上帝玉帝大帝東華南極西靈北真玄都玉
京金闕七寶玄臺紫微上宮靈寶至真明皇
道君三十六部尊經玄中大法師三界應感
一切真靈_臣等伏聞自然妙本弘大化於帝
先至極元尊播玄功於物表雖陰陽升降劫
曆始終濟爾常存觀乎獨運所以三千景域
咸服於神休五億天關同臻於道化至若吉
凶迺代禍福推遷乘聖力以皆祛沐靈休而
可濟濟危拯物佐國化人萬古做遵應靈無
爽況抱詞列款請命希恩凡有所祈理宜開
奏既承詞旨敢不上聞

讀詞

按如詞誠言深析扣弟子某以陰陽構疾寒
暑貽災稽首披心虔希祐護_臣等竊惟
天尊慈濟常善救人揚法舸而度迷津懸寶
珠而納羣品宣科演教捍厄扶危是用滌慮
洗心修齋行道願回聖力以蕩災業以今午
朝行道請法眾等運茲初捨上香
願此香煙騰空徑上供養

無上至真道寶_臣等歸身歸命首體投地仰
依

太上三尊願以是功德歸流社稷尊靈宗桃
先聖騰神八景融化九清凝觀太空貽休大
業

皇帝體堯立極嗣禹承圖朗金鏡於紫宸運
璇衡於碧落奇星增耀福嶽彌崇后妃贊化
於六宮臣佐匡寧於萬寓光敷有道允洽無
為今故燒香自歸依

師尊大聖眾至真之德得道之後升入無為
和與道合真
以今午朝行道請法眾等運茲二捨上香

願此香煙騰空徑上供養
無上至真經寶_臣等歸身歸命首體投地仰
依

太上三尊願以是功德歸流弟子某家九世
七玄億曾萬祖辭太冥之府離長夜之庭靡
網錫銷福祥臻萃油乎泉高異趣飛動珠倫
禎貺所資盡蒙開度今故燒香自歸依
師尊大聖眾至真之德得道之後升入無為
和與道合真

以今午朝行道請法眾等運茲三捨上香
願此香煙騰空徑上供養
無上至真師寶_臣等歸身歸命首體投地仰
依

太上三尊願以是功德歸流弟子某身滂滌
災纏銷平厄運宿寃往債乘祈懺以咸除積
業深瑕沐熏修而克淨妖凶弭息年祿增延
今故燒香自歸依

師尊大聖眾至真之德得道之後升入無為
和與道合真
禮方

懺悔

各思九色圓象嚙液命魔密呪

步虛旋遠

始青卷元蓋 金香結珠煙 飛晨總翹轡

稽首玉帝前 帝心浩以舒 錫吾太靈篇

是謂不滅道 萬天秉吾權 吾行空洞中

下仙昧其淵 邈在兩儀先 寶埒馳金馬

一炁化之元 飛空按龍轡 梵響道芝軒

真香噴玉蓮 翔翔無色天 初真難曉諭

綿永長春劫

以此戒中仙

高真明道德 垂世五千言 解釋漸涼薄

彈誠測妙元 寬旌嚴教典 羽唱徹雲軒

瑞鶴儀空際 祥風拂暑煩 守憲茲響應

寶祚億斯年

三禮

臣等至心稽首禮

太上無極大道

臣等至心稽首禮

三十六部尊經

臣等至心稽首禮

玄中大法師

重稱法位

具位臣等謹重伸上啓

太上無極大道元始天尊太上大道君太上

老君三十六部尊經玄中大法師上相上宰

四司五帝正一左右二真人南嶽上真紫虛

元君三界官屬一切真靈臣等伏聞天元立

極地紀標極來妙道以分形定兩儀而設象

含弘無際覆燾莫窮而九六推移有升淪之

變衰榮代謝有歷劫之期况彼人倫寧無降

替弟子某寄身俗網染跡塵寰氣象所拘吉

凶所繫遠纏疾厄彌切憂危竊恐往世此生

宿瑕未滌舊寬積業債訟未除或故殺誤傷

為殃為咎或星辰本命為惡為災形命九微

懺祈無所是用披心大道稽首玄科崇設壇

場仰申悔謝臣等按天師品格啓正一文儀

依紫虛元君懺災之法奉為某上請天昌君

黃衣兵士十萬人收弟子某家中外殃殍十

二刑殺之氣又請南宮天明君北星六機君

收五瘟百毒百疾之氣又請封離君赤素君

為弟子除心腹淋露之疾又請天官五衛君

地官五衛君九河北海君王法君九集君大

官陽秩君南上君須臾君石仙君收除內外

邪祟為病之者又請蓋天大將軍上元士君

收捕眾考精邪却禍來福又請制地君四胡

君主除行年本命之災斷考注之氣又請運

氣解厄君無上高倉君無上天君平天君解

除死喪利害五墓之鬼又請靈素天精君赤

天食氣君收神上明君為弟子某斷除惡孽

惡鬼沉疾注連之氣使災咎寧息疾患痊平

二十四部天官吏兵應時降臨誅邪滅惡收

伏凶殃真氣潛資克獲安泰寤寤真正壽筭

遐延九祖生天六親蒙福龍神守衛居止安

寧上願

帝道昭融天元朗晏于戈永息風雨以時穀

移豐登幽明和泰旁該庶品普及幽局共沐

玄恩同臻福界上明

天尊弘慈之澤下副臣等祈懺之誠謹啓以

聞

發願

一願大道淡泊虛無安閑空寂澄清自居廣
 開法門教導頑夫皆蒙惠澤精苦是修預
 以同學普得升虛與天相保長存無憂
 二願諸天結氣澄清高虛廣覆保真固靈氣
 候調節四運和平國安民豐普天咸寧廣
 濟一切惠速有生保天長存億劫不傾
 三願土地覆載無窮安乎不陷海論不崩保
 鎮家國兆民興從養生安死惠周十方禾
 稼滋植營運日豐咸得厚載萬類皆從
 四願日月二景高明無有劫蝕虧盈安清光
 照諸天洞洞晴冥保固劫運世祚和平普
 加潤澤惠灑眾生
 五願星辰與日齊光轉燭照耀朗映十方
 各安其位經緯直行保鎮家國無有災傷
 四海寧一普天興昌
 六願四時隨節推遷景和調無有災患疫
 毒消滅普天安平五穀豐熟國富民歡
 七願浮雲結縈聚煙飛空高澄陰覆玄玄隱
 則無為散則彌天神仙同居結友眾真惠

流一切與國愛民普濟羣生人同劫年
 八願風雨流灑無窮普加施泄受其發揚萬
 物滋生國儲民豐
 九願五嶽各安其方巍巍包藏長為仙宮安
 鎮國祚保天無終護度一切莫不仰宗
 十願江海蕩蕩無極含容恢廓無細不植洲
 奧柔惠潤加喘息天人獲慶年同劫石
 十一願帝王國土日昌四鎮安睦兵革不揚
 天人歌唱吉應來翔敷教濟濟威化洋洋
 兆庶稱慶長樂未央
 十二願壇飛蠢動已生未生咸蒙安全普得
 生成皆見元炁受陽之形草木果林經冬
 不零一切濟度靡不鮮榮和與道合真
 復爐
 香官使者左右龍虎君侍香諸靈官當今日
 行香之所自然生金液丹碧芝英百靈眾真
 交會在此香火爐前令日學道得道求仙得
 仙齋主受福存歿沾恩十方仙童玉女侍
 蘭煙令日所啓之言速達徑御
 太上無極大道無形無名虛無自然金闕玉

陛下

出戶

太上黃籙齋儀卷之三十